







S. VIII. 33.

Amplissimæ funeris Deductioni
VIRI

Admodum Reverendi, Nobiliss. ac maximè strenui,

Dn. CHRISTOPHORI ZASTROVII;

Illustriſſ. Celsiſſ. ac Reverendiſſ. Principis ac

Domini, Dn. BOGISLAI, Duc. Ster. Pom. &c. Principis ac

Domini qvondam; heu qvondam! nostri clementissimi; nunc deside-

ratissimi, ex secretioribus consiliarijs præcipui, Archidicasterij Ster.

Præsidis, & Rev. Capituli Camm. Vicedomini eminentissimi; nati Ju-

lini annò Christi 1594. d. Michaeli Archangelo sacro, intra 8. & 9.

matur, denari Ster. 25. Novemb. intra 8. & 9. mar. annò Christi

1636. ætatis suæ 43. Sep. ibid. in æde divæ Virginii

sacrâ 20. Apr. anno 1637.

Ut

*Omnes & singuli stud. Juv. in Ducali Pad. frequentes
& condolentes intersint, seriò hortatur,*

M. Martinus Leuschner ibid. Rector.

STETINI, Typis GEORGII GOETSCHIL



Q Ravis admodum & memoratu digna
Esaia Prophetæ qverela est cap. 57. *Justus perit, &
nemo reponit in animo: homines, inquam, benigni reci-
piuntur, nemine advertente, ante adventum ipsius ma-
li recipi justum.* Quæ sanè verba singula, si paulò penitiùs in-
trospiciantur, evidentig latentem *εὐεργείας* vini, quam in se
continent, exserunt, deq; multis scitu maximè necessarijs
discendi cupidos instruunt atq; informant. Miramur nos
& in stuporem pene vertimur, quoties eos, quos & egregia
naturæ bonitas, & verarum virtutum atq; præcellentis eru-
ditionis decus, & passim celebrata solida prudentiæ atq;
industriæ laus eo usq; extollunt in eaq; constituunt luce,
ut quosvis juxta se positos in sui admirationem abripiant,
præcipitatâ quadam fatorum violentiâ, omnium opinione
citiùs, còcidere, marcere palloreq; squalescere, tandemq;
non sine cordoliò, è viventium numero expungi videmus.
Nec id sanè sine causâ gravissimâ. Ipsa enim naturæ lex sa-
lusq; humanæ societatis postulare videntur, ut, quos ex-
cellentioribus dotibus divina exornaverit benignitas, qui-
que vitæ communi magis prodesse possint, diuturnius vi-
vendi spatium consequantur. Verùm entheus noster va-
tes, à divinò edoctus spiritu, profundiori omnia perpendēs
scrutinio, veras hujus rei aperit causas, fieri id dictitans, nō
ex quodam Dei erga suos odiò, sed ex ardentissimò amoris
affectu, quò meliori vita digni, ex ærumnoso hujus vi-
tæ ergastulo exempti, procellosæ ingruentium malorum
tempestatì præripiantur. Quemadmodum enim rerum
suarum satagens paterfamilias, nubium moles densari, inq;
majus exerescere, atq; horridò ac tenebricoso nigrore grā-
des

des minitari tempestates videns, ea præ cæteris in tranquilliora ac tutiora transfert loca, quæ pretiosiora habet & cariora, relictis ijs, quorum minori afficitur curâ: ita etiam sapientissimus ille rerum humanarum dispositor Deus, eos præ alijs, quos impensius diligit, instantibus malorū procellis præripit, inq; tutiori & à grassantium malorum contagione intacto loco, ceu selectas pretiosissimi thesauri delicias recondit & asservat. Quod divinissimus vates Esaias itidem, mirâ quadam sententiæ sublimitate, exprimit, quando 27. cap. eos, quos Deus à saviori malorū invasione indemnes vult, hac *וְגַם פִּינְחָסִי* alloquitur: *Age popule mi, intra in conclavia tua & occlude fores tuas tibi: Læticia quasi exiguo momento, donec præterierit indignatio.* Id proinde maximè dolendum ac deplorandum est, quòd tanta humanæ mentis sit stupiditas, tanta verioris æstij paucitas, ut multi illud nec capere nec intelligere valeant, sed cum ijs potius, quos ita fulminanti irruentium malorum tempestati præripi ac subduci vident, malè; secū contrà, licet in pœnam superesse jubeantur, bene agi existimēt, ac ne semel quidem cogitent, quo pacto ipsi met etiam instans malum effugere ac irati numinis indignationem à se avertere possint. Quod sanè, si quo aliò mundi seculo, hoc ultimò nostrò, quò in pejus ruunt omnia, calidissimo lacrymarum fluore deplorandum est. Mori ferme quotidie & ad tranquillioris vitæ portū transferri videmus eos, quos diutissimè insuper superstites vixisse, & unica salo nostra & sola salutis spes videri potuerat: nemo tamen est, hoc qui attentius secum consideret, nemo est, qui ipsis hoc in bonū, nobis autem in pœnam fieri existimet, nemo. qui iratos divini flagelli ictus deprecetur: omnes cœcò quodam impetu, quo vesana libido, ne quid gravius dicam, trahit, feruntur, & ceu ranæ illæ Ovidianæ;

Cum jam sint sub aquis, sub aquis maledicere tentant.
Fundi hæc nostri est calamitas, causaq; unica, quare, quæ
jam olim summa consecuta videbantur complementa, ma-
la majoribus indies augeantur incrementis, priorq; perni-
cies, præquam hæc est, lusus ac jocus, imò salus fuisse vi-
deatur. In fati leges, ô dolor! concessit non ita pridem, Il-
lustrissimus, Cellissimus, ac Reverendissimus Princeps ac
Dominus, Dn. *Bogislaus XIV.* ultimus, ô dolor! iterum ite-
rumq; ô dolor! in cellissimâ optimorum Principû ac Ducû
Pomeranorû familia, Princeps quondâ ac Dominus noster
clementissimus, nunc desideratissimus, cujus morte nimis
intempestivâ, quantum vulnus patria nostra acceperit, & ani-
mus horret dicere, & lingua enunciare nequit. Antecessit
ipsum, sinistro quodam omine, vir optimus & perpetuâ vitâ
dignissimus, admodum Reverendus, Nobilissimus & ma-
ximè strenuus, Dn. *Christophorus Zastrow*, Illustriss. ac beatis-
simi nostri Principis quondâ ex Consiliarijs intimis præci-
pius, Archidicasterij præses, & Rev. Capituli Caminensis
vicedominus eminentissimus, in *Drammin/ Cortentin &*
Dobberpsul hereditarijs; cujus præmaturâ mortem labo-
ranti & in extremis jam periculorû syrtibus hærenti Pome-
rania incommodissimâ, indeq; maximè luctuosam accidit-
se, nemo est, qui non intelligat. Nos, missis in præsentia alijs,
ut facta in hoc tanto viri jacturæ magnitudo justiori pensi-
tetur æstimò, cum hodiernus dies ejus dictus sit exequijs,
vitâ ipsius, quam & laudatissimâ, & universa patriæ maximè
salutarè inter mortales exegit, brevi narratione percurre-
mus. Ortû sortitus est vir Nobilissimus ex familijs duabus
cum antiquò equestris dignitatis splendore, tû omnigenis
virtutû meritis celeberrimis Zastroviorû & Flemingiorû:
de quibus, in tã angustis hujus scriptionis cancellis, fatig est
planè tacere, quàm tenuiter dicere. Parentes ipsi vitæq; ac
gene-

generis authores in utraq; lineâ contigerunt nobilissimi,
 maximè strenui, & leſſimarū virtutū ornamētis præcel-
 lēſſimi; pater quidē *Chriſtophoro Zaſtrovv*, in Siregovv he-
 reditarius; mater autē cultiſſima matrona, *Sophia Flemingia*,
 ex arce Moratz oriunda. Hos in paternā lineā antecedunt,
 Avus *Conrado Zaſtrovv*; Avia *Gertrudis Köllers*/ex arce Mo-
 ratz; Proavus *Joachim Zaſtrovv*; Proavia *Margareta Plä-
 ſen*/ex arce *Brünig*; Abavus *Georgius Zaſtrovv*, her. in Stre-
 govv; Abavia *Margareta Flemingia*, ex arce *Döſe*. In mater-
 nā autē lineā Avus *Joachimus Fleming*, her. in *Trebenow*;
 Avia *Sophia Petersdorffiana*, ex arce *Buddendorff*; Proavus
Conradus Fleming, her. in *Trebenow*; Proavia *Anna Pode-
 vvilsen*, ex arce *Malnow*; Abavus *Johānes Fleming*, her. in
Trebenow; Abavia *Ermuthis Wacholtes*, ex arce *Sargiſchlaf*;
 Atavus *Chriſtianus Fleming*; Atavia *Eſthera Loſſtedien*/ex
 arce *Drammin*; qvorū omniū virtutū laudes cum hujus pa-
 gellæ anguſtia non capiat, ſola hic nomina recensuiſſe ſa-
 tis ſit. Poſſet interim utraq; lineā multò longiùs deduci,
 niſi illud & ob temporis anguſtiam moleſtum foret, & piè
 defunctus ſapiùs per vitam à Nobiliſſima & jam, ob inſpe-
 ratū hunc caſum, mœſtiſſima Dn. vidua petiſſet, ut, ſi ſuo
 ipſius fatum anteverſurus ſit, prolixiorcm generis recen-
 ſionē, ceu inanem ac non neceſſariam, prætermitti jubeat.

Ex his proinde Nobiliſſimis & eminentiſſimis paren-
 tibus piſſimè defunctus in mundanæ lucis theatrum pro-
 diit annò Chriſti 1594. ipſò die divo Michaëli ſacrò, intra
 8 & 9 matutinam Julini, pauloq; poſt ſacrò Baptiſmatis
 fonte initiatus cœleſtis Hieroſolymæ jus obtinuit; atq; de-
 inceps per omnem puerilē ætatem, ſummā curā & diligē-
 tia, verā pietatis initijs ac honeſtiſſimæ literaturæ rudimen-
 tis excultus eſt. Ac prima quidem artium fundamenta in
 Schola Julinenſi jecit, hinc Stetini, ſub Clariſſimi viri Dn.

M. Christophori Hunichij moderamine eam uberius do-
ctrinæ cognitionem adjecit, ut annò ætatis 18. dignissimus
censeretur, qui ad Academiæ ablegaretur. Missus itaq;
annò 1611. circa Michaelis festum, Gryphisvaldiam; atq;
indè, annò 1614. Rostochium; porro annò 1619. Jenam;
tandemq; annò 1620. Witebergam, eam in omnibus hisce
celeberrimis Universitatibus, cum in audiendis lectioni-
bus, tum in frequentandis & habendis Disputationibus,
atq; Collegijs publicis & privatis adhibuit diligentiam, ut
summam utriusq; Juris ac rerum Politicarum cognitionē
sibi acquireret. Reversus proinde in patriam annò 1621. ab
Illustriſſo & Celſiſſo Principe ac Domino, Dn. Francisco,
Duce Stetin. Pom. &c. Domino quondam nostro Clemen-
tiſſo p. record. inter Ducalis Curia Referendarios, atq;
hinc anno 1624. à piſſimè defuncto Clementiſſimò nostro
Principe, inter Conſiliarios Aulicos adſcriptus; annoq; de-
indè 1625. Conſistorij Eccleſiaſtici Director; atq; tandem
annò 1629. ſupremi judicij aulici Præſes cōſtitutus eſt; quæ
officia omnia maxime ardua tanta fide & dexteritate ſuſti-
nuit, ut summam inde laudem, cum apud alios omnes, tum
inprimis apud Illuſtriſſimū ac Clementiſſimum noſtrum
Principem cōſecutus fuerit, atq; in Clementiſſimam fi-
delitatis præſtitæq; in tam difficilibus officijs diligentia
compensationē, Prælaturā, nim. Vicedominatū Rev. Capit.
Camin. acceperit. Anno 1629-25. Januarij, ad Nuptialia ſa-
cra progreſſus, Nobiliſſimam omnigeniſq; Virtutum or-
namentis cultiſſimam Virginem *Hedevigem*; Nobiliſſimi
olim & maximè ſtrenui viri, *Friderici à Rammin*, her. in *Stol-
ſenburg*/filiam dilectiſſimam; viduam jam mœſtiſſimam,
in toro nuptiali hic Stetini ſibi apponendam curavit; cum
quæ, in ſummā animorum conſenſione & perpetuā conjū-
gialis amoris reciprocatione, exoptatiſſimum, per octen-
nium

nium, & ſvaviſſimum matrimonium coluit, ex eoq; divi-
næ benedictionis gratiâ, venuſtiſſimam ſobolis trigam, ex
duobus filijs & unâ filiâ poſthuma, conſtanti, ſuſcepit,
qvi omnes adhuc invivis ſunt, utq; diutiſſimè ſint, & mœ-
rentem mœſtiſſimæ matris animum ſvaviſſimis alloqvijs
ac ſolatijs mulceant & recreent, animitus precamur.

Vitam ejus privatam & Chriſtianam converſationem
quod attinet, fuit ea omnino optima, nulliq; non Chriſtia-
narum virtutum decoribus maximè conſpicua. Deum
eſſentiâ unum, perſonis Trinum verâ ac ſincerâ pietate
ſemper coluit: Verbi divini auditum ac ſacramentorum
uſum maximi fecit, utq; pura & Orthodoxa Evangelij
doctrina per beatum Megalandrum Lutherum reſtituta,
in patria ſuâ ſacra ac teſta conſervaretur, & ſeriò op-
tavit, & quantum in ſe fuit, curavit maximè. Ab omni
faſtu & arrogantia longiſſimè abſuit, idq; unice dedit
operam, ut ad juſtitie regulam, cujus ſe ſupremum an-
tiſtitem conſtitutum mêmenerat, Honeſtè viveret, alte-
rum non læderet, ſuum cuiq; tribueret. Paucis: Bonam
militem militiam, retinendo fidem & bonâ conſcientiam,
Quare etiam non dubitamus; cùm ante aliquot men-
ſes, nim. 25. Novemb. Anno 1636. ætatis ſuæ 43. poſt
diuturnam cum ſerali &, ut eventus docuit, lethali
morbô luſtam, nihil proficientibus pretioſiſſimis &
artificioſiſſimè adminiſtratis medicamentis, id quod in
ſe mortale erat, intercedente piſſimò animæ & corpo-
ris divortiò, ad melioris vitæ gaudia itentidem ſuſpirans,
depoſuerit; qvin jam inter beatos cœlites lætiſſimos a-
gat triumphos, atq; à juſtiſſimò illò judice Chriſtò Jeſu
coronâ redimitus juſtitie pro momentaneis hujus vitæ
laborib; & afflictionibus æternum gloriæ pondus recipiat.
Nos exanimi ejus Corpufculo olim, cum omnibus ſan-
ctis,

etis, latissimam ad vitam æternam resurrectionem; nobilissimæ autem ac moestissimæ Dn. viduæ, totiq; lugenti familiæ efficacem divini Spiritus consolationem, & omnium similium casuum lugubrium clementem aversionem, à Deo ter opt. max. omni piarum precum contentione optamus ac precamur.

Quod superest, omnes ac singulos studiosos juvenes in Ducali nostro Pedagogyo seriò exhortamur, ut hora lucunda pom. quæ exequiarum sacro dicta est, in auditorio majori convenient, & Præceptores, honoris causa in funus prodituros, frequenti & decenti comitatu sequantur. Prop. publicè 20. Aprilis anno 1637.





921116 **Bibliotheca** 105 000
P.P. Camaldulensium in Bielany

Depozyt w Bibliotece Jagiellońskiej



06393

S.VIII.33

